



Nuuk, ulloq. 27. Juli 2020

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apequt imaattoq saqqummiuppara:

Naalakkersuisunut apequt:

- 1. 2018-imili pasineqarpoq Nunatsinni kræftimik nappaateqarlutik toqusartut Nunanut avannarlermiunut allanut naleqqiullugit agguaqatigiissillugu marloriaammik amerla-nerunerat, amerliartuinnarpasillutillu. Taamatut inissimalernerup amiilaarnartup sumik sunillu peqquteqarnera Naalakkersuisut misissuiffiginikuuvaat?**
- 2. Arajutsisimasinnaagatta mississuititsisoqarsimappat misissuinerup inerneranik Naalakkersuisut ersarissumik tamanut paasissutissiinikuuppat-sinnaappat?**
- 3. Nunatsinni kræftimik akiuinialuni sulinerup sakkortunerulernissaanut Naalakkersuisut qanoq iliuuseqarniarpat?**
- 4. Nunat avannarliit suleqatigalugit nunatsinni kræftimik nappaateqalersartut katsorsarneqartarneranni pitsanngorsaataasinnaasut qulaajaaffigineqarsinnaanerpat?**
- 5. Nunatsinni kræftimik nappaateqalersarneq pillugu aamma uumatikkut taqqatigullu nappaateqalersarnerit pillugit ilisimatuussutikkut misissuinerit annertusarniarlugit Naalakkersuisut pilersaaruteqarpat?**

(Inatsisartuni ilaasortaq, Hans Enoksen, partii naleraq)

Tungavilersuut:

Ukioq 2018-ip ukiaani saqqummertoqarpoq Nunani avannarlerni kræftip atugaanera pillugu missuinerit. Taamani takuneqarsinaavoq Nunatsinni kræftimik nappaateqalersartut Danmarkimi kræftimik nappaateqalersartunut naleqqiukkaanni amerlaaqatigiikanneraluurtut taamaattoq kræftimik toqussuteqartartut marloriaammik amerlanerusimapput, ullumikkullu sulii amerlanerlersimanissaat naatsorsuutigineqarsinnaalluni.

Pissutsit taamaattut amiilaarnartut pillugit Nunatsinni sulii annertunerusumik qanoq iliuuseqarnisamat nukissaqarnissarput pisariqarpoq aamma naalakkersuinikkut. Taamaamat pisariqarluinnarpoq ilisimatuussutsikkut misissuinerit annertunerulernissaanut aningaasaliissuteqarnissaq. Aammalu Nunani Avannarlerni suleqatigiiffik aqutigalugu nunatta sulii annertunerusumik suleqataanissaa aqutissiuuttariqarluni.

Ullut sulliviit qulit qaangiutsinnagit akineqarnissara kissaatigaara.